

輿地志七

湖北通志卷七

山川二山

黃岡縣

黃岡山在縣東十里黃州府志卽蘇軾赤壁賦所云黃泥之坂也清一統志

山脈來自天柱明一統志平岡南互舊便民倉至洗馬池皆是縣志

霸城山在縣東五十里嘉慶志

獨峙山在縣東六十里一名獨尊山嘉慶志

柯山在縣東南一名柯邱清一統志在東坡高寒亭之東東坡圖云柯

山四望直南高邱也故亦名柯邱輿地紀勝宋潘大臨居此稱柯山人

張文潛謫居黃亦以柯山名集明邑人王同軌讀書其下有葱堂

悠然樓三雅軒香雪臺江雨亭酒隱堂憑香閣蒼蒼閣金粟亭藝

蘭亭觀稼亭諸名蹟山左有八大王壩宋周肅王元儼屯兵處縣志

志七

輿地七 山川

一

龍蟠磯卽節度石在縣東南江中周百餘步高六丈石勢蜿蜒如

龍上有大士閣縣志互見武昌

馬騎山在縣東南四十里縣志與下巴河對岸嘉慶志

竝埠山在縣西一百里兩峯竝峙舉水倒水合流處縣志

半瓣山在縣西一百二十五里產寶石縣志

七丈山在縣西一百五十里清一統志山上有潭亦曰七丈潭輿地紀勝

赤鼻一作嶼山在縣西北縣志臨側江川水經注截然如壁而有赤色

明一統志亦名赤壁山方輿紀要案此非下爲赤鼻磯名勝志江爲磯

所攖流轉甚駛水紋有暈散亂開合全如三峽吳船錄其對峙者爲

丹霞岫邑人洪周祿所題也嘉慶志前後游赤壁賦均見金石志

樟松山在縣西北一百一十里多產樟松下有樟松湖清一統志湖北

岸去一里許有萬松山縣志



大乘山在縣西北一百一十里上有古城又北十里為華山清一統志

蓬萊山在縣西北原作縣西一百二十里陽邏鎮大江之濱上有

閣甚幽勝清一統志

武磯山在縣西北原作縣西一百二十里清一統志相傳黃祖屯兵陽

邏蒐武其上方輿紀要元史阿刺罕以兵扼沙蕪口逼近武磯卽此縣志

香爐山在陽邏北五里嘉慶志元世祖嘗登此俯瞰大江元史世祖紀

聚寶山在縣北里許縣志赤壁之上名勝志山多小石紅黃粲然蘇軾

作怪石供卽此石也輿地紀勝上有浮翠亭寶石泉旁有兩耳山縣志案

明一統志兩耳山在府治北三里狀如兩耳上有龍王廟明一統志東南有龍王山又

南為玉几山在縣城北形如玉几又名玉屏縣志

迴龍山在縣北五十里相近有赤山又北二十里為雨華山清一統志

白楊縣志作洋山在縣北六十里清一統志山側有桃花洞縣志

志七 輿地七 山川 二

金雞山在縣北七十里縣志相傳昔有金雞飛入故名名勝志西南有

金雞坑明一統志相近有城山清一統志有十勝景曰仙女臺仙女洞看花

臺龍潭瀑水巖龍山仙源亭馬頭泉師古臺仰天窩紀纂淵海明季居

民避流賊之亂築寨其上址猶存縣志

孔子山在縣北九十里清一統志相傳孔子自衛適楚嘗登此山東有

顏子港北有迴車坡元龍仁夫嘗築書屋於其麓明一統志

馬鞍山在縣北九十里縣志

蓮華山在縣北一百五里以形名峭拔冠諸峯出雲雨山半有明

季人避流寇寨縣志

騰雲山在縣北一百五里清順治間早有道流於此設壇祈雨立

應因名旋建寺其上縣志

道士山在縣北一百一十里高與馬鞍山并上有明季避寇廢寨

縣志

龍岡山在縣北一百二十里山阜有石名天舟形如舩艦道觀河經其麓旁有木斛山亦高峻又北五里有香爐山清一統志以形似名

輿地紀勝

鳳凰山在縣北一百二十里縣志相傳昔有鳳凰至此清一統志後人構

臺其上名鳳凰臺縣志

煙墩山在縣北一百二十里宋築墩今久晴而煙卽雨縣志

雨壇山在縣北一百二十里築壇禱雨立應前爲周家山熊山縣志

尖峯山在縣北一百二十五里其峯峭削環有土城廟數楹竹木

清蔭土人多息遊其間縣志

神蜂山在縣北一百三十里元末鄉人作堡禦流賊賊攻甚急有

神撒土成蜂賊驚散因建廟祀嘉慶二十五年鄉士梅長昆又倡

志七

輿地七 山川

三

修文昌宮於其上置田並祀縣志

淘金山在縣北一百四十里有三四穴皆深數丈相傳舊產金砂

又十里爲祈祥嶺清一統志

官山在縣北一百四十里前明居人建寨避賊址猶存縣志

雨台山在縣北一百四十里山頂冒雲雨立至縣志

馬臺山在縣北一百四十里有石崖與麻城縣接壤縣志

五頭山在縣北一百八十里接黃安縣界有五峯高出清一統志

獅子巖在縣北道觀河東盤踞三十里高五里形如獅蹲其巔如

獅口中可容席七洞三泉在崖下里許縣志

樂養山在縣東北五十里嘉慶志一名樂予山縣志

五雲山在縣東北八十里上有井脈通大江清一統志

佛過山在縣東北八十里石佛龍井居人廟祀之禱雨輒應縣志

洗榦山在縣東北八十里上有仙人棋迹縣志

烏石山在縣東北一百二十里相近有白雲山清一統志山下有古寺

及尹駱塔嘉慶志相傳尹駱二女造不知何代人縣志

泉華山在縣東北一百二十里山勢陡峻泉飛若練府志

石屋山在縣東北一百四十里遠望如屋下有石版潭通麻城縣

高岸河清一統志其旁巉崖峻石有石洞石門縣志又十里有豹子山清一

志統

大崎山在縣東北一百六十里接麻城縣界峯巒迴合飛瀑百道

下匯為澗澗旁多古木藤蘿西南有雷雲洞山上有龍井旱可禱

雨又東北十里為小崎山清一統志上有飛來石其下石柱推之可轉

而不仆名勝志小崎側為青峯巖縣志相近有將軍山清一統志治內之山

莫高於大崎來自龜峯郡治之祖山也龍從蜿蜒飛瀑下注巖壑

志七

輿地七 山川

四

寺院幽邃無比府志上頂有井俗稱龍井井旁皆白沙蘆葦有廟祀

龍神遇旱禱雨立應又四時多雲氣土人每瞻雲出入以決晴雨

焉縣志

蕲水縣

玉臺山在縣東一里清一統志漢張道陵烹玉之所名勝志有神光觀丹

井尙存明一統志

神仙洞在縣東一里內有石牀石臺為張道陵修煉處縣志

鳳棲山在縣東三里嘉慶志俗傳嘗有鳳凰棲此山東有陸羽烹茶

泉明一統志晉王逸少洗筆泉東坡集案二 泉俱詳古蹟

烟籠山在縣東七里又東一里有雞公山又東十二里有蜜蠶山

又東二十里有金谷山嘉慶志相近為道觀山山之西舊有桂花園

縣志

飛虎山在縣東二十五里旁有石雲洞邑人徐本僊棲遯於此縣志

又五里為虎踞嶺清一統志斗方山在縣東五十里嘉慶志形方如斗名勝志舊有唐無著禪師古

寺宋佛印和尚嘗住此明一統志上有羅漢洞百合洞清一統志有巖洞泉

石之勝又東四十里有查山接英山縣界方輿紀要

三角山在縣東六十里嘉慶志峯巒秀拔頂有三尖故名明一統志跨羅

曲蘄州界唐伏虎禪師棲此其中峯有龍洞洞有三泉蘄水所自

出也名勝志禱雨輒應夷堅志互見蘄州

望江山在縣東七十里又有查兒山縣志

大浮一作桴山在縣東一百里接蘄州界一名大羅浮山一名蘄山

上有仙人臺清一統志臺有石洞石壁壁如畫龍狀拂之無痕縣志互詳蘄

志七 輿地七 山川 五

峨嵋山在縣東南三十里清一統志又名徐家山縣志

登瀛山在縣南一里為學宮向山縣志

分流山在縣南二十里相近有閣黎山楫柘山清一統志

月子山在縣南二十五里清一統志上有龍潭明一統志

雨標山在縣西三里上有文峯塔清一統志

佛子嶺在縣西二十里清一統志又五里有太公石明一統志

白荆山在縣西二十一里縣志與閣黎山對峙縣境之水多經其下

方輿紀要縣互邑西望之如屏浹水東注山足障之乃曲而南縣志又西

南九里有龍泉山又西南五里有蓮花山又西南二十里有仙臺

山清一統志玉鏡山在縣西二十一里一名圓壁山縣志山巔有大石圓如月故

又日月峯明一統志

眠轟山在縣西三十里一作免刀山又五里有大卓旂山小卓旂

山縣志又五里為太子山相傳孫權周瑜屯兵於此清一統志

神山一名城山嘉慶志在縣西三十五里縣志昔孫權進兵赤壁屯駐

此山明一統志有土城遺址相傳孫權所築寰宇記明時王三達因城址

築寨以避流寇其西五里有調軍山縣志亦孫權駐軍處方輿紀要

棗茨嶺在縣西北二十五里嘉慶志又五里為烏紗嶺清一統志

督軍山在縣西北二十五里山勢坦平眾山環繞咸豐八年曾文

正督兵駐此因名縣志

猴王坪在縣西北三十里山上有廢寨縣志

梅梓山在縣西北四十里相近有石佛山白沙嶺清一統志

石門山在縣西北六十里峭壁臨河山下有潭其地高敞明崇禎

中里人於此築城以禦寇清一統志

志七

輿地七 山川

六

金鼓山在縣西北六十五里舊志云西麓有陶穀學士墓今名陶

家坊多陶姓縣志

華阜山在縣西北七十里下有華阜潭清一統志南有石丈塢西控長

川即華埠潭縣志

華桂山在縣西北九十里縣志

蓮花山在縣北上有龐安常廟縣志

茶山在縣北三里清一統志每年采造貢茶之所寰宇記

護山在縣北十里一名白石山山產石瑩潔如玉清一統志縣互迤邐

岡巒遞湧為邑屏障又有月山與拔樓山接壤咸豐閒巡撫胡林

翼勦粵匪至此駐軍大捷易名得勝山縣志

穀山在縣北十里頂有穀泉其陰有君子巖又北三十五里有野

鶴山清一統志

石鼓山在縣北十五里縣志 隋書地理志志 浠水有石鼓山有巨石如鼓叩之有聲

輿地紀勝

小營山在縣北四十里舊志云古蘆塘地有土竈徑廣丈餘縣志

大靈山在縣北六十里舊有城塹相傳為陶琳立寨處明崇禎中

土人築寨於此以禦寇全活甚眾其南十里為小靈山清一統志 互見關隘

隘

落蘇腦在縣北六十里相傳蘇長公嘗憩此山四圍峭壁東隅一

石屹立數丈有蝌蚪文苔蝕不可辨旁附圓石如鼓叩之有聲縣志

邵藤山在縣北六十里舊志云晉王烈遊此明王燾居此縣志

四望山在縣北七十里相近有周羅山神保山清一統志

大嶺在縣東北十五里山巔為策山寨下數十武橫互一山為嶺

有涼亭為行人憩息所縣志

志七

輿地七 山川

七

羊角山在縣東北六十里山勢峻聳形如羊角清一統志

麻城縣

四望山在縣東十五里山至險峻可以四望元末鄉人曾斌聚眾

結寨保障全活甚眾山澗有石洞名風洞每大風起先響土人憑

為占驗後山洪石墜洞口遂塞縣志

駐蹕山在縣東二十五里相傳唐王駐蹕於此縣志

遊蕩山在縣東三十五里相傳唐王遊此故名下有唐殿今址無

存縣志

石城砦一名石子岩在縣東四十五里三面壁立一徑斜通明季

人多保聚焉縣志

龜峯山在縣東六十里一名龜頭山清一統志 春秋吳楚戰於柏舉即

此地也元和志 崇高為合邑之望巖谷深秀靈蹟甚多縣志

八疊山在縣東六十里在龜峯之南路盤折乃得踰上有亭有寺
憩行人焉縣志

什子山在縣東七十里攢巒插漢宋端平閒徙縣治於此後廢明
季邑人避兵復結砦以居縣志

剪刀山在縣東八十里山峯峭削望似剪形縣志

九歇山在縣東九十里高巖峭壁石徑微通往來者屢息乃逾縣志

春風嶺在縣東九十里一名東界嶺清一統志嶺多梅花蘇軾自新息

渡淮經是嶺輿地紀勝

白杲山在縣東南三十里一名白額山清一統志巉巖高聳其上如額

方輿紀要上有瀑布欲雨則響如伐鼓名響龍潭清一統志

五龍山在縣南三十里縣志山形攢聚如五龍然中有興福寺名勝志

雲陽山在縣南五十里山勢迤西皆平岡有望花烏石青邱五龍

志七

輿地七 山川

八

高峯豹子諸山統名南山清一統志

大崎山在縣南五十里接黃岡縣界自八疊山鳳凰崖東界嶺至

此山勢皆崩劣其麓為小崎山為象棋山縣志互見黃岡

九螺山在縣西南八十里岐亭鎮縣志又西南有馬頭山在舉水西

岸縣志

五腦山在縣西北八里即張紫微侯飛昇處四峯環拱中峯獨峙

神祠據焉縣志

大安山在縣西二十五里北有石級名百丈階自縣西七里岡至

此踰白沙關為宋時達汴通道又西十里有朱山又西五里有青

山清一統志

大聖山在縣西四十里清一統志相近有萬仞巖元末居民結寨避兵

於此縣志

鑛山在縣西五十里有龍王洞清一統志

紫雲山在縣西七十里接黃安縣界清一統志

香山在縣西七十五里有古寺人多拜禱縣志

萬松嶺在縣西一百里方輿紀要縣令張毅夾道植松萬株立亭其中

號萬松亭適當關山往來之路輿地紀勝

道觀山在縣西北十五里烟霞夕照秋霽後尤為勝景縣志

羚羊山在縣西北九十里上有花石洞元季土人避兵於此縣志

南有分水嶺為倒水分流之處南流為艾陽寺河北流者入河南

光山縣界清一統志

黃土山在縣西北一百五里清一統志

霸王山在縣北十里相傳項籍嘗駐兵於此下有坡名霸坡清一統志

案府縣志坡並作陂

志七

輿地七 山川

九

鳳嶺山在縣北十里相傳有鳳集此清一統志案輿地紀勝鳳

南五里有山名鳳凰臺蓋非此也

仙居山在縣北十二里相近有鳳凰巖下有仙洞石室雲泉諸勝

清一統志

飛龍山在縣北三十里有龍井引流可以溉田其南為薄刀峯仙

姑洞清一統志

陰山在縣北四十里隋書地理志一名鷹山四道河水逕焉縣上

有陰山關明史地理志蕭梁時嘗僑置陰平縣於山下方輿紀要

駱億山在縣北八十里一名落衣山下有駱家坂清一統志

木陵山在縣北九十里清一統志木陵關元和志在其上案寰宇記木

蓋即木陵關也樹木森密岡陵隱蔽邑之望山也方輿紀要

柏子山在縣東北三十里清一統志春秋吳楚陳于柏舉蓋合此山及

舉水而名名勝志一名柏子塔山又名九龍山清一統志

大腦山在縣東北三十五里體勢崢嶸卓然秀聳縣志

雲霧山在縣東北四十里高撐天表常有雲氣往來縣志

懸鐘崖在縣東北六十里孤峯萬仞河水激流術家所謂地雄星

遠望如鐘懸天半縣志

黃檗山在縣東北九十里接河南商城縣界清一統志

羅田縣

鳳山在縣城北嘉慶志作縣北三里誤形如飛鳳山麓卽學宮縣署前卽印臺

山嘉慶志作縣南一里一名書臺山縣志

桂家山在縣東三里有烽墩又東二里有塔山嘉慶志層巒崇峻

方輿紀要一名滌洞山又名玉屏山縣志案塔山縣志作老塔山

范家山在縣東二十里險絕同治四年建寨名集雲縣志

志七

輿地七 山川

十

望英山在縣東二十五里舊名望雲山縣志

胡家巖在縣東二十五里同治甲子冬官軍收降賊七營自霍山

入楚駐此縣志

鳳凰山在縣東三十里聳翠若鳳翼之飛騰方輿紀要昔人因以設關

縣志

仙人巖在縣東三十里黃州府志昔有仙女上昇履迹猶在明一統志

白鳴山在縣東三十三里上建文昌宮同治甲子蔣凝學自英山

入楚於此駐軍縣志

朦朧山在縣東四十里嘉慶志常有雲氣蒙其上清一統志義水出焉一

名濛濛山縣志

大羅山在縣東四十里峭石層疊山頂有望江墩縣志

馬鞍山在縣東四十五里兩峯橫互狀類馬鞍縣志

石缸山在縣東四十五里山頂有石澗匯流如缸水瀉下十餘丈清一統志

觀音山在縣東五十里山頂石壁數丈大士現身於此有正像三山半有背像一莊嚴宛然縣志

太乙山在縣東五十五里接安徽英山縣界縣志

隔山坳在縣東五十五里縣志
雪巖山在縣東五十八里上有井深數丈宋淳熙間蘄春郡守南陵霍佑奉檄勸賑偕邑令詹魯山游此立有石碣縣志

魁山在縣東六十里清一統志形勢嵯峨高出眾山故名明一統志一日飛來山唐宋建治於此縣志

龍鶯山在縣東南七十里嘉慶志
仙臺山在縣南里許方輿紀要

志七

輿地七 山川

十一

迎山在縣南十里清一統志諺云迎山雲起大雨千里明一統志

望江山在縣南十五里清一統志山高聳大江相去一百六十里登望如在目前方輿紀要

龍王巖在縣南二十里怪石層累上有蒼松翠柏樓閣崔巍下臨深溪望之如在圖畫間縣志

虎母山在縣南二十五里嘉慶志作一百二十五里誤高峯如虎眾石纍纍如子隨母清一統志

尖峯山在縣南二十八里孤峯崛起上有奇石如文筆插天明時避寇此山者全活甚眾縣志

西江山在縣南三十里孤峯聳立登巔西望江流立見縣志
巖家坳在縣南三十里嘉慶志

練石山在縣南三十二里縣志山腰有石潭飛瀑五六丈神龍居焉

輿地
紀勝

月山在縣南五十五里相傳有兄弟五人修道既成同行巖谷誓
日見險則進遇月則止步至此皓月東昇而止因以名山縣志

黑溝山在縣西二十五里縣志

練巖在縣西三十里清一統志有瀑泉瀉兩峯間輿地紀勝

天乙塢在縣西四十里西接黃岡東界蘄水縣志

石獅坳在縣西五十里巨石猙獰厥狀類獅縣志

豹龍巖在縣西五十二里蹲踞如豹起伏如龍故名縣志

崇曇巖在縣西七十里邑令沈廷禎經此題片石孤雲四字尙存

縣志

仙韭巖在縣西九十里石產仙韭可食葉大如蒜土人往往得之

縣志

志七

輿地七 山川

三

李蟒巖在縣西北二十里石壁如城上有龍泉禱雨輒應縣志

古羊山在縣西北六十里西南界黃岡箔金寨西界麻城獅子巖

縣志

仙女巖在縣西北七十里接麻城縣界有老蝠洞可容數十人蝠

集其中老者粉色大如扇恆倒垂洞頂縣志

飛鐘山在縣西北一百一十里俗傳有鐘自他處飛來土人因以

建廟縣志

松子山在縣西北一百四十里東北接河南商城西接麻城水北

流入淮南流入江設關隘山旁有香爐峯縣志

雞籠山在縣北七十里一名雞鳴尖清一統志峭壁陡絕非緣鐵索不

能上縣志

獨尊山在縣北九十五里高峯獨尊眾山皆伏峭壁下微有罅水

涔涔然初不盈掬引之愈出不竭巔有穴二氣常溫石上松高二
三丈許大可數圍有真武廟明嘉靖時建縣志案方輿紀要獨
山如人獨坐卽此山也互見關隘

道尖山在縣東北十二里一峯獨起狀如戟縣志

覆船山在縣東北十五里以形似名河水縈繞地甚幽邃縣志

大霧山在縣東北五十里縣志天將大雨雲霧翕然一名雲霧山府志

狗耳尖在縣東北六十里縣志山半有牛頭巖上有大小洞十餘內

二大洞曲折開朗可容百人嘉慶志

馬面山在縣東北七十里以形似名山麓有桃花塢盧公濬詩桃

花襯馬蹄指此上有龍井縣志

擂鼓巖在縣東北七十里接安徽英山縣界上多古蹟縣志

麻姑巖在縣東北七十五里府志世傳麻姑飛昇於此故名明一統志

志七

輿地七 山川

三

石柱山在縣東北九十里明一統志作東八十里嘉慶志作東北一百二十里屹立如柱西

爲香爐石樓子山山質柔脆其沙日中則流夜半則聚名子午沙

懸巖在列望之如墜縣志

眉山在縣東北一百里兩山如列眉上有蛾眉寺縣志

泊皋府志山在縣東北一百二十里一名鶴皋峯清一統志

岐嶺在縣東北一百三十里清一統志分上中下三關明史地理志周迴皆

峭壁接多雲山北越光汝南出蘄黃東走淮西實爲天險相傳陸

遜於此處追魏兵縣志

鹽堆山在縣東北一百五十里巴水所出清一統志三峯峭立石坎產

鹽故名縣志

多雲山縣志作天堂山在縣東北一百五十里清一統志四時多雲雖晴日麗

空雲亦連屬不絕東南接江南英山縣界方輿紀要其下含風洞大風

害稼禱祭輒止饒有山水之勝縣志

月芽山在縣東北一百六十里即青苔關高百餘丈巨石突起形如新月山坳幽邃往往晝晦東有獅子巖縣志

黃安縣

杏村山在縣東二里上有美泉清芬可掬又十九里有錦屏山春

夏之交野花爭放燦爛如錦嘉慶志

三角山在縣東三十里縣志舊屬蘄水羅田二縣明季割而有之勝名

志三峯相連奇秀險仄其連接者為遊仙柴家諸山明嘉靖中為

盜賊藪聚之所四十二年集河南信陽之兵與郡兵合剿始盪其

巢方輿紀要北峯下有風洞西北為紫雲巖及百丈山嘉慶志互見關隘

香山在縣東南六十里清一統志

金井山在縣南一里山勢盤屈松竹茂密旁有一井清冽不減錫

志七

輿地七 山川

古

山泉縣志

雲臺山在縣南十里山巔有臺雲氣覆之可驗晴雨縣志

五雲山舊名五名山在縣南二十里縣志其陰列山如屏其陽凹嵌

如屋迤而西有峯如蓋羣山合沓狀如窩然因名天窩林泉木石

最為幽勝中有腴田十餘畝窩內隆冬不寒盛夏不暑明嘉靖中

知府周思文易今名清一統志西有仰天窩最險絕從龍霞舉僅通一

綫登之可瞰城中虛實為近郊之要害方輿紀要相近有石林

樵洞嘉慶志

石壁山在縣南二十五里峭壁高數十丈上有古松縣志又五里為

觀音崖嘉慶志

橫山在縣南四十五里縣志清一統志作九里屹然橫峙為縣案山清一統志

大金山在縣南五十里相近有小金山清一統志小金山南為大壁山

上有石方正如壁縣志

五老山在縣南六十里五山叢峙與卓望山對縣志相近有小桃源

洞嘉慶志

卓望山在縣南六十里峯高可眺百里縣志

上千山在縣南七十里縣志案清一統志嘉慶志並云在黃岡

岡接壤處清一統志一名上官山清一統志

似馬山一名駒馬山在縣西南八里縣志上有石如馬清一統志

虎踞黃州府志山在縣西南三十里嘉慶志

紅蓋山在縣西南七十里清一統志又北五里有磨盤山明嘉靖中為

盜賊嘯聚處方輿紀要上有大寨縣志

七箇山在縣西十二里七峯並峙為邑右障縣志

果老石在縣西四十里嘉慶志

志七

輿地七 山川

五

佛塔山在縣西相近有浮雲巖鮑家寨清一統志

夾山在縣西其東有王子山獨山清一統志

仙居山在縣西北六十里脈接天臺巖岫盤曲縣志昔有仙居之埕

竈依然名勝志素稱險僻中有仙人洞明嘉靖中為盜賊嘯聚處方輿紀要

老山在縣西北七十里接河南羅山縣界嘉慶志高出眾山為本縣

祖山縣志

乳山在縣西北九十里上有普陀巖縣志

幕雲山在縣西北最高峻清一統志

老君山在縣北六十里縣志脈接天臺瀟水東源出焉縣志明嘉靖

中為盜賊嘯聚處方輿紀要東有平頭嶺北有雙門山清一統志互見關隘

黃楊寨山在縣北七十里接河南界周環如壁上有寨宋元閒土

人避兵其上縣志

天臺山在縣北八十里縣志嶺有天臺高百餘仞四面皆石壁惟石

磴一徑可上約廣數畝清一統志頂廣夷可容千家以牛耳巖為北門

梯之可達宋端平嘉熙閒襄淮兵擾土人守此石竅湧泉冬夏不

絕全活萬人勒石紀之案石壁勒文詳金石元末有黃楊者據以立寨曰黃

楊寨名勝志亦盜賊淵藪也相近有牛頭山牢山等寨方輿紀要

遊仙山在縣東北三十里孤標秀異舊傳有黃鶴飛下今仙跡尚

存縣志

張家山在縣東北接麻城縣界山產金明萬曆二十六年開采民

皆奔竄尋罷清一統志

蕪州今改蕪春縣

麒麟山在州治北方輿紀要以形似名明一統志明荆藩故宮遺址及州學

志七

輿地七 山川

六

宮書院俱在山麓嘉慶志

鳳凰山在州治西南方輿紀要以形似名名勝志

鷓鴣山在州治西南盧參政紘四照堂舊址也嘉慶志一名倉基山

清一統志

大泉山在州東十里下有蕪陽第一泉水最清冽清一統志山上有華

頂菴嘉慶志

龜鶴山在州東十五里兩山相對一蟠一翔清一統志

百家冶山在州東三十里一名百望山清一統志宋鐵冶場也白茅產

蕪竹名勝志

安陽山在州東三十里一名安山隋書地理志有雲覆菴雲蔭菴

嘉慶志

迎一作寅山在州南八里與州城相迎故名州志一名銀山山半有小

菴明高啓遜迹於此

清一統志

宋乾道四年諸州獻銀礦銀山與焉明

洪武初罷成化元年封禁弘治萬曆間均議開礦驗之無銀而止

廣濟舊志 案州治東南距廣濟界十里此山蓋連跨其間也

圓峯山在州西四十里有東西二菴隋唐間二梵祖師西竺僧住

此山半有泉祈雨輒應

嘉慶志

南陽磯在州西江濱接蘄水縣界今名月石磯州志江水又東逕南

陽山南一曰苟磯亦曰南陽磯仲雍謂之南陽圻一名洛至圻一

名石姥水勢迅急

水經注

龍眼磯在州西江中宋大觀四年立廟祀順濟王於此水涸則廟

在洲上又乾明磯亦在州西南對鴻宿洲相傳羅真人飛昇處履

跡猶存

嘉慶志 州志

白雲山在州西北五十里

清一統志

旦暮嘗有白雲繚繞隋時建塔寺

志七

輿地七 山川

七

其上

輿地紀勝

山出綠毛龜

明一統志

蒙古侵金嘗駐軍於此

方輿紀要

茅山在州西北六十里

州志

山臨大江下有石磯十三處古云九里

十三磯

方輿紀要

相近有盧師山其頂平衍

清一統志

五岳山在州西北六十里有井歲旱不竭祈雨即應

州志

靈剎山在州西北八十里下產茶

清一統志

琳山在州西北八十里

嘉慶志

蔣家山在州西北九十里山頂平衍有良田數頃接蘄水縣界

嘉慶志

志

風火山在州西北一百二十里州與蘄水縣分界處

州志

盤龍山在州北五里

明一統志

相近有鹿耳石

嘉慶志

空石山在州北六里

州志

清一統志

一名龍峯山

府志

水經注江

水又東得空石口臨江有空石山今龍峯山迤西至十三磯者是

也又卽水經注謂黃公九磯一曰九圻也

州志

呂王山在州北七里一名缺齒山

清一統志

案州志作北障山在州北四里

宣撫山在州北三十五里又北五里有細石山

清二統志

米家山在州北三十五里山形鬱葱類小米畫意一名虎兒山俗

名獨山

州志

雲霧山在州北七十里山麓一石齒刺上有虎足跡俗稱虎踏石

相傳唐伏虎禪師伏虎於此

州志

策山在州北八十里

州志

山勢巍巍石壁險峻

清一統志

上有寨

嘉慶國志

初土人張相率鄉人築寨於此

州志

豹子山在州北一百里有上中下三山峯巒聳秀

州志

獅子口山在州北一百一十里

州志

又五里有青石嶺

嘉慶志

荆竹山在州北一百十五里山勢懸遠

州志

有燕子巖

嘉慶志

巖石峻

志七

輿地七 山川

六

峭形如燕窩

清一統志

元至正閒汪布哈立寨其處

名勝志詳關隘

羊角山在州北一百二十里一名楊家寨卽楊先春剿賊處

州志

老鴉山在州北一百二十里峭壁蜿蜒互三十里許

清一統志

金鵝山在州北一百二十里

嘉慶志

嘗有金鵝出石閒

輿地紀勝 上有鵝

籠石

明一統志

又五里爲北極尖

州志

磨石嶺在州北一百三十五里又五里有葛場山

嘉慶志

三角山在州北一百四十里

州志

互見蘄水

牛皮寨在州北一百四十里四面險峻明崇禎閒土人避亂於此

今基地城牆尙存

州志

河槎山在州北一百四十五里

州志

一名查山

清一統志

宋程谷隱居於

此谷隱蓋珣之後云

名勝志

大桴山在州北二百里

州志

蘄水源出蘄春縣東北大浮山一名蘄

山元和志寶羅州故城之祖山也方輿紀要互見斬水

仙人臺山在州北二百一十里州志一名魁山又名旋螺山有九十

九隘清一統志舊傳有四人於此登仙輿地紀勝高若列屏橫互州北相近

有久長金斗等山嘉慶志

玉屏山在州東北里許方正如屏黃州府志俗名周公山邑人周副使

禧施為漏澤園嘉慶志案州志周禧明人

象馬山在州東北二里舊傳邊徼貢象經此一二云荆藩象象馬處

州志

天書崖在州東北清一統志在州東二十五里茶場輿地紀勝

高山在州東北六十五里明崇禎閒廣濟尉魏時光殉難處州志

高峻其相接者曰磨盤山曰折山皆高險層折方輿紀要

甕門山在州東北七十五里州志又五里有石門山嘉慶志

志七

輿地七 山川

九

靖明山在州東北九十里州志極高大橫互十餘里清一統志

層峯山在州東北一百五里接廣濟縣界州志

橫岡山在州東北一百一十里山之陽屬廣濟州志互見廣濟

九潭山在州東北一百二十里一名九龍山一名九龍井清一統志上

有龍井者九輿地紀勝

丹井山在州東北一百三十里州志井底有四竅明一統志

四隘山在州東北一百四十里州志有隘口清一統志互見關隘

石人寨在州東北一百五十里石筭一枝宛如人立州志

仰天窩在州東北一百五十里山峯圍繞如牆州志

蟠龍山在州東北一百六十里案嘉慶志作六里當是盤龍之訛盤龍山見前自西北逆

迴東南蟠屈二十餘里後臨石溪州志有石觀音洞下臨龍津潭兩

山石拱如門右挺一石當河衝封兩山之缺上有小洞口纔如瓶

人跡罕至昔有童子緣藤而上見內有石觀音嘉慶志

烟波寨在州東北一百六十五里當水口突起如烟波有峭壁不

可上州志

鼓角山在州東北一百六十七里清一統志天將雨必聞鼓角之響寰宇

記亦名鼓吹山明一統志案隋書地理志蘄水有鼓吹山唐書

故山又在蘄春也

龍目山在州東北一百八十里其下為宗渡河又有小隘嶺接安

徽宿松縣界州志

羅漢尖在州東北一百八十里形似羅漢故名頂有石洞土人縋

而入歷數十里境漸幽闊懼而還州志

蘆林寨在州東北一百八十六里峯頂下窩潄水如湖每歲生巨

荻異於常產懸崖下有長樂園石列二神面目遊人比之古石丈

志七

輿地七 山川

三

人州志

相山在州東北二百五里州志俗稱桐山嘉慶志接江南太湖縣界清一

統志

茅平一作坪山在州東北二百二十三里州志又東北五里有寶蓋山

清一統志

四流山在州北二百四十里州志山嶺迤邐山南山西水皆流入蘄

水縣界北入壽州霍山縣東入舒州太湖縣寰宇記案州志北

山霍山

廣濟縣

黃鵠山在縣治後特高處為玉枕嘉慶志

靈山在縣東五里有雙巒疊起曰慧日曰白雲清一統志世傳麻姑居

此名勝志山澗多石谷口有大石橫互溪水洞其腹而出曰浮渡石

又稱天梁石十洲集其側爲曝月臺居業齋集山麓有泉出地中曰蝦蟆

泉溪上行不數步爲仙人橋旁有石笋高數丈爲風雷所折山頂

爲大王峯十洲集有掛雪溪及永安寨縣志其南有石壁山嘉慶志山東

爲步石嶺山南爲北斗嶺清一統志

安樂山在縣東十里靈山西北又十里爲余公山以余玠墓得名

嘉慶志

大聖山在縣東二十里一名大名山上有費聖泉最清冽嘉慶志又

有龍山寨雍正湖廣通志

明水山在縣東二十五里清一統志上有龍潭飛瀑奇甚輿地紀勝

石龍坡在縣東四十五里自東衝至此兩山夾峙石坡陡峻清一統志

龍頭山在縣東五十五里象如龍首兩石突立如角下有泉俗名

龍眼泉黃州府志

志七

輿地七 山川

三

獨山在縣東南五里嘉慶志一峯孤出最爲險固清一統志

後峯山在縣東南二十五里嘉慶志上有寨縣志

石港山在縣東南三十里又五里有大符山嘉慶志

多雲山在縣東南三十里縣志天欲雨則先出雲山有風洞以石投

其中卽風起明一統志巖間微泉滴出日得升許山中人鑿之方去片

石如錢大泉頓枯筠廊偶筆

鳳凰山在縣東南四十里縣志山下有岳喆故宅白茅堂集南爲禪姑山

嘉慶志

宗山嶺在縣東南五十里嘉慶志

太平山在縣東南六十里晉僧惠遠卓錫於此清一統志旁有煉丹邱

嘉慶志

陽烏山在縣東南六十里四周皆水嘉慶志

連城山在縣東南六十里臨連城湖嘉慶志

紫霧山在縣南十里巒立如屏山下有二徑麓西而南達武穴麓東而南達龍坪山亭特起曰兩路口案嘉慶志原作兩河據縣志改南里許為石

門亭為師古塔閔家山嘉慶志

靈龜山在縣南據縣圖增二字白茅衝左與九龍城相望頂有池曰天津

湖嘉慶志

午山在縣南三十里一名武山在午山湖中峭壁三面惟南一徑

可登春夏湖水瀾漫山形如鯉又有螺螄山亦稱螺墩湖南為團

山有石叩之有聲一穴通湖時有鷗浮出清一統志其北岸上有黃花

山又北為鳳凰山獅子山縣境洩水處也嘉慶志

龍池山在縣南四十里清一統志相傳山頂池中唐時有鯉魚化為龍

去因名明一統志

志七

輿地七 山川

三

青林山在縣南五十里嘉慶志水經注利水西南流積為湖湖西有

青林山在倉頭埠港口東即今程家林縣志

陽城山在縣南六十里一名靈泉山南有仙人洞高百餘仞可容

千人北為玉屏山獅子山有靈泉洞甚幽深清一統志其流泉名石燕

源洞有巨石如臥牀明一統志明崇禎末居民避寇於此縣志

金家山在縣南六十里東五里為菖蒲山下為紫石頭邑中諸水

入湖處雄峙水際為濟水一關嘉慶志

仙姑山在縣南六十五里嘉慶志相傳何陳許三仙姑修煉處山有

石似牛又名石牛山清一統志

盤塘山在縣南六十八里有吳將甘寧廟仙女墳在其麓府志

兩山在縣西南二十里與秀雲山嵯峨相望嘉慶志

四望山在縣西南三十里縣志上有寺寺外有大石三植立如門故

又呼石門焉嘉慶志

蘇家山在縣西南五十里南數里為白龍潭面平湖左右長坂竹樹陰森東為潘家山又東為松山多古松嘉慶志

積布山在縣西南七十里嘉慶志南臨大江壘石壁立形如積布元和志

俗謂之積布磯又曰積布圻庾仲雍所謂高山即西陽尋陽二

郡界也水經注與隔江下山磯對東江水其流甚狹清一統志下有石可

坐釣嘉慶志山麓有牛肝磯縣志

北臺山在縣西南七十里奇峯秀嶺迴環相佐有觀音寨十八壘

流水坪下過石步嶺嘉慶志俯木麻仙溪二湖清一統志南為鐵船山下

為魯肅府縣志相傳魯肅嘗屯兵於此清一統志

長風山在縣西南七十里嘉慶志江水又左逕長風山南得長風口

江浦也水經注山在寅山下近南一帶左翼山是也清一統志案

志七

輿地七 山川

三

蕪州東而治屬廣濟互詳蕪州

金僊山在縣西七里清一統志相傳唐時有女子昇仙上有朝斗壇明

觀山在縣西八里銅鼓寨相距不遠桑梓紀遺

秀雲山在縣西二十里俗稱北流山東有龍井澗清一統志南十里為

仙姑山縣志

嶽山在縣西北七里一名藥山清一統志

展旗山在縣西北二十里又西為麻魚山清一統志

白石山在縣北一里清一統志其山白石磊積故名名勝志

層峯山在縣北十里旁有青著寺為余玠讀書處清一統志其陰為百

家園桑梓紀遺兩山夾溪深注為潭曰白鶴龍王潭禱雨輒應縣志

石龜山在縣北十五里有石如龜清一統志

橫岡山在縣北二十五里嘉慶志有天柱峯舍身崖清一統志岡阜橫立

山勢高峻方輿紀要互見蘄州

鼓吹山在縣北六十里一名鼓角山清一統志上有九斗坪頗寬廣宋

建炎初郡守甄采集眾守禦於此故寨猶存方輿紀要

大闔山在縣東北二十五里縣志一名峇婁山有五峯曰嶙峒曰翠

屏曰梵合縣志作曰圖密曰嶠嶠環繞似牆宇壁立前為飛龍嶺

亦曰罡風峽後曰海潮峯峯之背曰雷公洞深黑無底清一統志

東衝山在縣東北三十里府志其山高起衝霄故名明一統志重巒疊嶂

積雪不消其左右烟月蔽虧江湖環抱為縣最勝上有鮑照讀書

處下有雲瀑潭清一統志舊有版自潭浮出有字曰龍早禱即應藕灣集

又有疊水巖尤奇絕康谷子集明劉養微登東衝山詩淵曲重

積陰滋楷蘇方冬補屋茅北風吹古木還擬孟城坳竹裏頭陀

志七

輿地七 山川

岳

蹤登臨漫隨喜雲臥聽晨鐘大壑響松風飛泉掛玉虹嶺猿啼

接樹灘石止排空隱見蛟龍鬬奔騰霧雨濛白沙漫浩浩斤竹古

河通鮑子讀書處危峯坐翠微六朝孤石老千載到人

稀衡嶽通元氣匡山對落暉登臺重回首懷古一沾衣

五峯山在縣東北三十里嘉慶志其高千仞磴甚險仄上有大石可

坐千人俗呼雞公石又有梵光石如水晶色清一統志

黃梅縣

卓壁山在縣東十里又東五里有茅栗山清一統志

古礫山在縣東二十五里其東五里為下古礫山西十五里為上

古礫山清一統志

亭前驛山在縣東四十里又東十里為畢家塆山清一統志

馬頭山在縣東南三里山勢昂如馬首縣志

德章山在縣東南十里相近有筆架山馬鞍山清一統志舊有安國院

輿地

紀勝

礦山在縣東南十五里山出鐵鑛舊置爐今廢方輿紀要

東觀山在縣東南四十里接安徽宿松縣界清一統志

天馬山在縣南八里縣志其並列者為金牛諸山清一統志

蔡山在縣南七十里縣志大江之濱接廣濟縣界嘉慶志案縣志云古大江經其下

石崖纜山出大龜尚書云九江納錫大龜即此通典春秋傳大蔡蓋

以山得名方輿紀要唐曹王舉敗李希烈於此名勝志案舊唐書伊

指此路頭山在縣西南十里縣志一名漏頭山平曠可屯宋末僑置縣於

中洲即此清一統志其右為福盤山縣志

遊螺墩在縣西南三十里狀如覆釜每於雨暗霧蒙時望之若浮

於湖中上有邑人黃見溪墓縣志

舒城山在縣西南四十里太白湖東四面皆水清一統志

志七

輿地七 山川

五

瓦市山在縣西十五里漢鯨布所築東西二城在焉又西十五里

有大葉山清一統志

雙峯山在縣西三十里黃州府志一名西山一名破額山清一統志亦曰四

祖山即大醫禪師道場有香爐峯輿地紀勝雙峯屹立前有瑤鳳獅子

大葉等山縣志其麓有唱歌石後為雷擊皇華紀聞唐柳宗元詩

駐木蘭舟春風無限瀟湘意欲采蘋花不自由破額山前碧玉流騷人遙

黃梅山在縣西四十里府志隋書地理志黃梅有黃梅山元和志山多梅

名勝黃梅水出焉南流入威湖震宇記

粉壁山在縣西北十里山形壁立石色如粉又五里為安德山府志

考田山在縣西北三十里其西有大竹山小竹山東有東山石牌

山清一統志

白巖山在縣西北三十里一名三十六水山三十六水出焉北流

入蘄州界為蘄河之別源清一統志

北邨山在縣北二里山頂平曠土赤色上有飛昇臺清一統志又北五

里為七里岡岡分七支嘉慶志

小溪山在縣北三十里案縣志縣北二十里豹兒山東抵赤塘統曰小溪山有梅師嶺拳石

洞清一統志

天柱峯在縣北四十里又十里有石筍峯輿地紀勝

梅水山在縣北五十里山分上中下層疊如波縣志

紫雲山在縣北七十里山路縈紆望如削筆其頂平曠東西環拱

內有平田僧人植茶即為紫雲茶清一統志

多雲山在縣東北十五里山頂常有雲氣土人候為雨徵縣志

烏牙山在縣東北二十里縣志其靈峯院有白樂天所撰碑張商英

輪藏記輿地紀勝唐李白詩夜宿烏牙寺舉手捫星辰不敢高

志七

輿地七 山川

三

塵史

馮茂山在縣東北二十五里清一統志一名五祖山即大滿禪師道場

輿地紀勝亦名東山嘉慶志山為馮茂所施故名山頂有池生白蓮花又

名蓮峯名勝志

龍平山在縣東北五十里清一統志亦名鳳平山形勢峭險宋戚方嘗

於此為寨柵輿地紀勝

南山在縣東北六十里相接為北山縣志

唐家山在縣東北七十里接蘄州界嘉慶志

迴旆嶺在縣東北七十里接安徽宿松縣界清一統志委蛇環抱勢如

展旗縣志

鼓角山在縣東北七十里山勢迢遞起伏無端遙望修篁倚石老

榦臥雲百丈飛泉從山腰瀉入澗中清流見底寒光逼人縣志

天衢山在縣東北七十里山徑峻仄至頂平曠如衢傍有大坪小坪石壁嶙峋高踞眾山之巔縣志

安陸縣

峒山在德安府署內縣志廣不二丈修五丈有羸十數武而畢登羅

春心構山互署後長竟牆趾如屏羅時隨學

紫金山在府治前清一統志峭壁陡絕石皆紫色故名輿地紀勝

章山在縣東三十里清一統志左傳吳自豫章與楚夾漢圖經云豫章

卽今之章山也輿地紀勝

鳳山在縣南清一統志狀若鳳凰展翼輿地紀勝東帶三洲北環沮水實郡

之屏縣志

虎子巖在縣南十里俗傳虎孔子文處清一統志

石巖山在縣南十里清一統志北臨沮水張昌作亂織竹爲籠衣以五

志七

輿地七 山川

七

彩著此山上置肉其下而集百鳥以惑於眾卽此山寰宇記引沮

水又南逕石巖山北水經注

秀嶺在縣西一里清一統志俗名廖家山以廖明略居此故名輿地紀勝

白兆山在縣西三十里上有仙人洞一名碧山西去隨州大洪山

百里高二百丈許上有桃花巖李白讀書堂其相屬者爲太白峯

鉢盂山長老山彌望烟雲縹緲天半清一統志擅安陸之勝塵史一名金

峯山縣志宋范伯純詩沮川雲夢地古跡堪尋李白桃花巖詩後石刻

此邱湖廣志白兆山一名碧山下有桃花巖李白讀書處又曰大

安山在府城西六十里唐許紹宅卽白婦翁案白上裴長史書許

相公紹妻以女孫紹以隋末守陝州爲唐相其子仲爲白婦翁故

白代內贈詩云妾家三作相以紹爲白婦翁誤矣白詩又云問余

何事棲碧山桃花流水杳然去以碧山爲山名似可從其名白兆

者當由白自夸其事如漢陽南湖之改爲郎官湖也俟質之多聞

者當由白自夸其事如漢陽南湖之改爲郎官湖也俟質之多聞
早湏水絕流舊俗每逢亢旱禱白兆山祈雨翼遣主簿祭之卽日
德雨歲遂有秋百姓感德頌之蓋白兆山之著名者久矣案周建
德二年爲南朝陳宣帝太建四年周逾九年始禪隋逾七年始

滅陳混一南北隋又逾三十年始禪於唐唐至開寶之際又百有餘年矣其安州白兆山之名未改故李白有白兆山寄劉侍御詩也如白兆因白造而得名詎李詩先即自題曰白兆山寄劉侍御乎此不須考證而知山舊名白兆矣今吳白華前稿載白詩云問余何事棲碧山以碧為山名因白至碧山故名白造後名白兆如武昌之吳造峴以孫吳得名擬改名碧棲抑何其疎於考證而輕於立說也白華學博才優好古之名聞於天下又曾督楚北學政余恐人之沿其誤而不察也書此以待後之修志乘者知所考焉

青龍潭山在白兆山北白兆餘支所結也奇石塊磊臨溪而止如

龍首下有深潭縣志

青石巖在縣西五十里有泉出其上清一統志雲見則雨縣志

大安山在縣西六十里四面陡削其頂平衍可數里許周遭有泉

唐許紹家此清一統志東為滴水巖與白兆山相連縣志

石照山在縣西六十里清一統志

月落嶺在縣西七十里其下一巖出瀑布如簾列石自成大士像

以數百名觀音巖清一統志

志七

輿地七 山川

三

石門山在縣西八十里一名石佛山層巖高峙上有怪石聳立清一統志

狀如獅象為門者三縣志

圍山在縣西八十五里孤峯特峙陡絕如削其中坳坦若孟亦曰

孟山清一統志

太平山在縣西九十里由石門山馬鬣嶺而上甚險峻為郡名勝

有飛泉迎陽水簾羅漢金庭五洞清一統志詳關隘

雲霧山在太平山北自隨州大洪山發脈越三里岡西狗脊嶺入

安陸界曰玉皇頂南為馬孔坳又南為雲霧山層巒沓嶂峭翠摩

青春行如秋晴行若雨相近有密峯若錢家沖小陽沖皆與京山

縣接界縣志

石梁山在縣西北三十里清一統志連接白兆其狀如梁輿地紀勝

壽山在縣西北六十里北接隨州界東北接應山縣界昔山民有

壽百歲者故名宋鄭昂記壽山即太白所謂攢吸霞露隱居靈仙者也清一統志

燕子山在縣西北一百里清一統志山如燕窠輿地紀勝

石柱山在縣北郡北瀕水惟此山突起郡治依焉清一統志上有石柱

高三丈輿地紀勝

鐵城山在縣北五里清一統志有石如鐵輿地紀勝

軌門關山在縣北二十里橫互四五里雄踞巍峩中通一徑僅容

軌縣志

蔽山在縣北四十里接應山縣界一名障山清一統志

橫尾山在縣北六十里清一統志古文以為陪尾山漢書地理志一名橫山

元和志案錢坫新射注漢書地理志山在今德安府城東北四十里括地志在安陸縣北六十里鄭康成曰山若橫尾故名史記

作負尾負讀為倍猶讀為倍也又尚書古文疏證曰陪尾泗水所出當為徐州山徐西境豫東境正相接禹郟下太華於是而熊

志七

輿地七山川

无

耳洛所經也而外方伊所經也而桐柏淮所出也至於陪尾泗所出也則諸水之治可見矣若橫尾淮曷為經此又曰陪尾自為北

條大河南境山若與內方一例則為南條江漢南境山矣

大鶴山在縣東北四十五里自吉陽蜿蜒而南高四十餘仞如鶴

展翅其南有小鶴山高不十仞頂有清池縣志一名科斗山清一統志後

周時人闢土得石函內有大小二石鶴少焉衝起視其所落之處

各以山名沈會霖問鶴詩序

槎山在縣東北五十里脈自應山縣四望山來蔚然特起上多怪

石望之青翠可愛清一統志頂有雙井一有石魚長三尺許鱗鬣宛然

叩之其聲清越縣志

吉陽山在縣東北六十里接應山縣界山有兩峯形如角髻故又

名合髻山相近有雞籠山貨郎港水出焉清一統志

雲夢縣

石羊岡在縣東十五里嘉慶志

壘筆山在縣東二十里形如筆架清一統志

眞珠坡在縣東清一統志每雨過有圓沙光瑩如珠輿地紀勝俗傳楚昭王

以雲夢土薄埋珠鎮之嘉慶志

聖壽山在縣南五十里泗州寺前山名見寺碑縣志

神山在縣東北四十里雲覆其上則雨俗呼觀音岡其西有葛藤

山清一統志產葛根明一統志今稱張陂岡有雨神禱之輒應嘉慶志

九子墩在縣東北高二三丈廣輪數畝纍纍相望互二十餘里嘉慶志

鏡鉢墩以形肖名崇禎末土人避亂營寨聞鼓吹聲作乃止雨後

常拾箭鏃諸物嘉慶志案德安府志云墩在縣東北

應城縣

志七

輿地七 山川

三

五嶺岡在縣南五里縣志

沙陂岡在縣南十二里嘉慶志有沙湖驛明嘉靖中改城北馬驛方輿

要紀其西有伏虎山以形似名縣志互見古蹟

團山在縣西北二十五里形如彈丸清一統志

崎山在縣西北二十五里清一統志蜿蜒從京山來名勝志

京山在縣西北六十里溫泉出其下嘉慶志

妙高臺一名古城在縣北半里遠望如城頂方而平邑之主山也

德安府志山脈從西北來至城北突起形如玉印二水合抱上有城址

未詳何代耳縣志

黃龍岡在縣北十五里北爲燕子巖又二十五里有聚石岡嘉慶志

破山口在縣北同治間官軍營築壘於此縣志

土門在縣東北二十里嘉慶志土阜斷裂其形如門故名縣志

高樓山在縣東北二十五里以峯巒層疊而名東臨湏水清一山志旁有九子墩縣志

孫家大山在縣東北二十五里週十餘里高數仞縣志

五茄山在縣東北三十里一名伍家山清一統志寔宇記在隱

士伍員居之縣志云此別一伍員非伍子胥也上有禪刹龍井旱禱多應方輿勝覽山

起平地表二里高數仞皇甫子固曰五當作伍此山蓋伍氏所居

今有伍落伍家聚落也塵史

隨州今改縣

龍鬪山在州東三十里清一統志兩巖相對漂水逕其閒謂之龍鬪口

又十里有雙尖山清一統志今名兩仙山雙峯竝竦舊為兩尖山州志

相近有劉季山清一統志俗傳漢高祖曾過此山輿地紀勝

四望山在州東清一統志山最高四望皆見輿地紀勝

志七

輿地七 山川

三

石鑑山在州東南七十里一名現光山清一統志有水一泓可以照形

名曰石鑑輿地紀勝又十里有仙城山清一統志

隨城山在州南七里清一統志湏水逕隨縣南隨城山北水經注峯巒特

起列嶂如城雍正湖廣通志以名州明一統志

三爪山在州南十里清一統志有三阜如爪勢輿地紀勝俗名鷹爪山州志

卓劍山在州南三十里以形似名清一統志

玉山在州南四十里山巖峻崿多白石相近有太宿山又有辰山

其最高處曰青龍嶺能興雲雨州志

君子山在州南七十里清一統志山下居民多忠厚故名明一統志

金綫嶺在州南七十里有小逕迢遞直通頂上土色皆黃遠望如

金清一統志

鈎跡嶺在州南七十里此紀南李信純事見搜神記俗偽作狗跡

云慈忍禪師露宿此嶺不知野火至師嘗以犬從犬入港冒水滅火今嶺上尙存遺跡非也州志按紀南去州絕遠此誤引

青林山在州南一百里一名青山山林遠望鬱然而青北有古寨

相近有聚石山相傳昔人聚石為寨故名清一統志詳關隘

石臼山在州南一百二十里山上有寨其長十九里故又名十九

里山清一統志

倒捲山在州南一百三十里清一統志上隆而下銳如捲簾云州志

獨宗山在州西南十里山巒突起旁無附麗清一統志

龍居山在州西南七十里清一統志隋文帝微時所居宅基今為智門

寺有雪竇井輿地紀勝

大獼山在州西南一百里一名大狐山清一統志案州志云水

北泚陽即今泌陽去此四百里大胡之不在州境明甚又太平御覽云胡一作狐南陽圖經山有大石如狐是惟泚陽之大胡山別

志七
輿地七 山川
三

稱大狐此大獼山無大狐之名也清一統志乃謂一名大狐山亦非

花山在州西南一百一十里舊傳靈濟祖師過此百草皆花山色

潑翠香氣勃然州志

大洪山在州西南一百二十里接京山縣界一名鄖山清一統志山在

隨郡之西南竟陵之東北磐基所跨廣圓一百餘里峯曰懸鈎處

平原眾阜之中為諸嶺之秀山下有石門夾鄣層巒峻巖高皆數

百許仞入石門又得鍾乳穴穴上素崖壁立非人跡所及穴中多

鍾乳凝膏下垂望齊冰雪微津細液滴瀝不斷幽穴潛遠行者不

極窮深以穴內常有風勢火無能以經久故也湏水出於其陰初

流淺狹遠乃廣厚可以浮舟楫巨川矣時人以湏水所導故亦謂

之湏山矣水經注山四面斗險頂有大湖神龍所居後龍鬪搗開層

崖湖水南落為龍鬪崖西有仙女洞又有奇峯寺鸛子山佛兒嶺

斷足巖明聖泉硫黃池皆山之勝輿地紀勝宋靖康閒避寇者嘗依此山立寨柵自保賊不能破明一統志

天橋山在州西南一百六十里下有娥皇洞洞中有泉為滾河之源清一統志

清涼山在州西四十里嘉慶志前湏右澁景極幽奇州志

漢東山在州西六十里清一統志明中觀山在州西七十五里曲徑盤旋為入荆宜隘道州志

迴龍山在州西一百六十里山頭旋轉如迴龍清一統志橫嶺山在州西北七十里澁水東岸峯巒橫互數里魏橫山縣以此名相近有大浪山山頂出泉一名龍泉山清一統志

松蓋山在州西北九十里清一統志山多大松遠望如蓋故名輿地紀勝崙龍山在州西北一百里上有祖師殿殿中有龍池四時不涸州志

志七

輿地七 山川

三

華寶山在州西北一百里其最高處曰華表峯左有虎洞右有蓮花石山頂有真武殿明嘉靖四年建州志

嗽陽山在州西北一百一十里下有水晶溝其水常伏行出沒無時州志

鐵山在州西北一百二十里一名白雲山高三百餘仞盤基四十里許下有七泉西流入澁水山半有石廣數丈其坳處容水數斗

州志

獅子山在州西北一百三十里形如獅子其上峭巖壁立清泉噴出下逕吳山入澁水州志

吳山在州西北一百三十里有東西兩山皆高七百許仞若相拱揖兩山之間曰三里峽州志

栲栳山在州西北一百五十里一名黃山澁水出焉接河南唐縣

界清一統志

田黃山在州西北一百五十里舊傳有田黃二隱士居此山極峻

西界棗陽縣雍正湖廣通志

仙人山在州西北一百七十里遠望山頂其平如掌清一統志

唐城山在州西北清一統志唐城縣北三十二里元和志

礧輿地紀勝作袞山在州北二十里山石可鑿為礧清一統志

赤石山在州北三十里山石皆赤唐天寶六年更名赭石山山下

有古隨侯臺清一統志

雷公山在州北四十里頂有二泉左曰白龍池右曰黑龍池清一統志

厲山在州北四十里一名烈山亦名重山又名麗山清一統志厲山氏

炎帝也起於厲山禮記注神農母安登感神於常羊生神農於列山

之石室路史今隨厲鄉是也帝王世紀史記帝本紀正義引括地志厲山在隨州隨縣北百里山東有石

志七

輿地七 山川

畜

穴曰神農生於厲鄉所謂列山氏也又有周迴一頃二十畝地外有兩重壟中有九

井相傳神農既育九井自穿汲一井則眾井動即此地為神農社

年常祠之續漢書郡國志注引荆州記山高一里下有一穴穴口方一步容數

人立今穴口上有神農廟在寰宇記

歷山在州北六十里相近有犁山清一統志

驢泉山在州北九十里清一統志上有池旱不涸昔出神驢故以為名

荆州記山石鹵潤牛馬經過貪其甘不能去土人云牛馬解逸即

此山尋之寰宇記

獲弩山在州北一百一十里劉家河西高九百餘丈怪石森立勢

如跳躍懸崖飛瀑從空下注頂有古遺寨石址猶存其下有來安

寺晏公類要獲弩山在隨州山有此獸昔人射之不中棄弩而去

故名州志

棊磐山在州北一百二十里清一統志山勢孤峙為列山右障上圓坦

有古石垣遺址州志

觀音山在州北一百三十里一名觀音巖山腰有石洞東西北皆

石壁清一統志

界山在州北一百四十里山有洞穴湖廣通志載明嘉靖中尙書

顧璘秉火行數十里見石壁書云西南可行東北勿往遂出州志

田寨山在州北一百五十里一名田玉山有寨石垣尙存其前有

月兒巖一孔如月高百丈人跡罕到清一統志

石門山在州北一百五十里兩巖夾峙如門有洞方廣四丈許州志

四十里衝在州北一百六十里南北相距四十里兩邊皆山中為

衝州志

七尖峯在州北一百七十里七尖竝聳下有黃龍潭大旱不竭清一

志七

輿地七山川

三

統志

晃山在州北一百八十里一名曠山清一統志北聯迴道山南聯石門

山西接棗陽縣界怪石林立不可名狀州志

太平嶺在州北一百八十里哈呀峻絕高數十里南為香爐山摩

雲山桃花洞清一統志

冠子嶺在州北一百九十里太白山東北界連桐柏地最險奧州志

接河南桐柏縣界清一統志案清一統志作關子嶺

白水巖在州北二百里嘉慶志絕高峻上有飛瀑如懸練清一統志

三鍾山在州東北五十里清一統志案後漢書王常傳州志山有石

狀如覆鍾震宇記

大義山在州東北五十里清一統志澗水所出水經注幾環百里民居其

閒貧富自相取足有義風故名輿地紀勝

三清觀山在州東北五十五里為州龍來脈由風火山至指城寺

州志

石女山在州東北八十里清一統志有青石狀如女形輿地紀勝

鴨山在州東北一百里高五里許前有寨名鴨山寨宋史孟宗政

破元將完顏賽朮於隨州鴨兒山擒其妻弟王醜漢即其地也西

北有古寺嶺高七里許又有雞冠塚西有玉皇頂即添水河所出

也高皆與寺嶺相等州志

安居山在州東北一百十五里接應山縣界清一統志應山有安居山

鸚鵡山在州東北一百三十里州志有鸚鵡山石狀如鸚鵡寰宇記

大紫山在州東北一百三十里嘉慶志賜水所出水經注案州志

十里有螺螄山漂水所出漂水即古賜水則螺螄山當即大紫山也

志七

輿地七 山川

美

立石山在州東北一百四十里山有巨石高可五六丈州志

九山在州東北一百五十里一名韭山產山韭州志

洞山在州東北一百五十里俗稱佛子洞洞在山半其外有金臺

觀宋大觀九年建後圯明叅將宋之彥重修之又建西來閣以為

遠眺之所與其子宗郊從子宗祁讀書其上今譌為宋郊宋祁讀

書處州志

風山在州東北一百六十里上有風聲輒雨清一統志

紫荆山在州東北一百六十里舊多紫荆故名西北有馬鞍山州志

方城山在州東北一百六十里外峻中坦可容數萬人以沿嶺有

戍城舊蹟得名州志

田上山在州東北一百七十里其東有田下山清一統志

件水山在州東北一百八十里接河南信陽州界清一統志

鼓臺山在州東北一百九十里上有播鼓臺山麓有東西二寨舊傳鄉人結寨禦賊臺其鳴鼓驚眾處也州志

太乙山在州東北一百九十五里山高十五里廣圓六十餘里上有石城周千許步城外有捨身巖巖高百餘丈上有大湖田小湖田田可種植其東澗水下注白水巖巖高八九里東五里有卓筆

峯州志

案隋書地理清騰有清騰山唐城有清臺山今皆無考

應山縣

望城岡在縣東五里四山環繞有塔兒岡楊通岡應臺山登之可

窺城中清一統志

孔山在縣東三十里清一統志一名洞山山有洞穴每大風起穴先有

聲明一統志下為孔山坡正德中都御史彭澤殺賊趙鏐於此清一統志今

志七

輿地七 山川

三

名淮瀆廟山縣志

中華山在縣東三十里東北諸山之祖縣志

謝舞山在縣東六十里有石高數仞上有五澗分山而下清一統志

覆手山在縣東六十里方輿紀要一峯五澗望之狀如覆手輿地紀勝

牢城山在縣東七十里接孝感縣界上有寨清一統志今更名樂城山

德安府志

禮山在縣東八十里康熙湖廣通志唐置應州於此輿地紀勝

大城山在縣東百里清一統志上有古城輿地紀勝

應山在縣東南三里一名應臺山又名印山清一統志永陽縣隋改為

應山以縣北山為名舊唐書地理志山頂方平如印明一統志後人名印臺山

菴縣志左有掛鐘峯清一統志無念和尚爪髮及弟子塔在焉今塔廢大慈

菴尚存菴後山北首建有文昌樓同治二年知縣恩榮與士紳築

土堡屯兵此山者五載縣城以全縣志

經臺山在縣東南三十五里麓有金臺寺即三臺之一有寨縣志

凍山在縣東南四十里本名峯兒山清一統志宋元豐閒太守滕甫自

大梁赴官經此時無風雨而寒甚因名明一統志

吉山在縣東南五十里接安陸縣界清一統志有南吉北吉二山古吉

陽縣在山之南輿地紀勝

橫山在縣南二里清一統志橫互縣治前故名名勝志

青堆山在縣南二十五里一名青壁舊有砦今重修縣志

蔽山在縣南四十里宋連舜賓墓在東麓縣志

西門岡在縣治西門外迤南長數十丈平視城內與城西南角之

羊角山東北角之紫虛觀山俱附城險要其環抱為勢者為鐵絲

岡西三里墩等山惟城北山無附郭而北三里墩緊當要道踞高

志七

輿地七 山川

美

御下守城者所必爭前粵匪擾亂援應大兵均扼數處為險縣志

三鐘山在縣西五里俗名團山宋連庠墓在焉縣志山有石狀如覆

鐘寰宇記互詳隨州

石井山在縣西三十里清一統志

雲臺山在縣西三十五里上有雲臺觀即三臺之一有寨縣志

洞庭山在縣西四十里清一統志中有一穴罔測淺深輿地紀勝上有古寨

嘉慶志

軍山在縣西六十里宋孟珙屯兵於此縣志

鐵城山在縣西北四十里石色如鐵其陰有古寨唐書元和十年

節度使高霞寓與吳元濟戰於鐵城山敗績即此今有寨縣志

香鑪山在縣西北六十里又十五里有牛心山清一統志

仰天窩山在縣西北一百二十里縣志一名仰山窩巔劣奇怪高可

十里許中有平田二百餘畝清一統志

石菴山在縣北八里清一統志上有圓石望之如菴故名輿地紀勝

陽城山在縣北四十里其旁有兜鑿山其陰有興安寨旁有葫蘆

山清一統志

花山在縣北一百里接河南信陽州界山側曠衍百頃宜縣清一統志

四望山在縣北一百里方輿紀要高可周覽四方故名明一統志

石龍山在縣東北二十里清一統志永陽縣北石龍山出石斛如金釵

寰宇記引荊州記水經注隨有石盤迴屈曲若龍形元和志

杏仁山在縣東北二十五里形家謂為應之少祖山同治三年土

人掘石見有似翡翠玉石各種形色已成爭取為利或恐地氣之

洩也請於縣令封禁焉今穴歸寨內巨石堵塞矣縣志

燕巢山在縣東北四十里又東北一里為大梁山清一統志

志七

輿地七 山川

堯

黃茅嶺在縣東北四十里嶽崎綿互為縣之鎮清一統志

大龜山在縣東北六十里清一統志隋書地志應山有大龜山有石自然若龜形

寰宇記引一名高貴山北有流泉入河南信陽州太平河發源於

此清一統志有靈濟祠堂前有聖水井有白龍輿地紀勝

土地嶺在縣東北六十里亦曰龍爬嶺上有古寨清一統志

松子山在縣東北八十里接孝感縣界地名新店清一統志

雞頭山在縣東北九十里清一統志魏晉地志樂寧有雞頭山有二山遠相向如

雞頭欲鬪之象寰宇記澗水出焉明史地理志

上浩山在縣東北九十里上有玉皇閣相傳楊忠烈公讀書處今

為寨縣志

環山在縣東北一百里相近有跳石山又十里為楊山清一統志

輿地志七